




www.BibleForChildren.org


Nan. 1




Yama naṅkamtaik mash
atsuiniaj_Yuska
nayaimpincha
nuṅkancha
najankarmiayi.



Tura núṅkaka peṅké atsáa
nekaachmin pachimnaikiauyayi.
Aya kúnak téeyayi. Tura
Yusa Wakanísha entsá
pátatek pujuras
muchitmiayi.




Nuinkia Yuska “Tsáapnin atí” tímiayi. Takui tsáapnin
ajasmiai. Nú tsaapninian “tsawái” anaikiamiayi. Tura
nu kiritniunka “kashi” anaikiamiayi. Nui kashi tsawaijiaj
emka tsawant ajasmiai.



Nuyá_Yus chichaak “Entsá ajapén nakaak áṅkanniuk juaktí tura entsasha kanakarti” takui_núnis túrunamiayi. Tura yakiini_áṅkanniuk juakmia nuna Yus “nayaim” anaikiamiayi. Nui_kashi tsawaijia_jimiará tsawant ajasmiayi.



Nuyá_Yus chichaak “Nayaim nuṅkaani_entsa ana nu
irunati tura nayantsanmaya_jujuptin jiinti” takui_
túrunamiayi. Tura Yus jujuptinniaka “nuṅka”
anaikiamiayi. Núnisaṅ_entsa irunanka “nayants”
anaikiamiayi. Nuna iis Yuska “pénkeraiti” tímiayi.



Nuyá_Yus chichaak “Nuṅkanam náṅkamas nupaṣha
numisha tsapakarti. Tura jinṅkiái araamsha tsapái_
núnniiaḱ neren ártí” takui_núnis
túrunamiayi. Nui_kashi
tsawaijiaí_menaintiú
tsawant ajasmiayi.




Yus etsanniun jímiaran máj_uuntnak najanamiayi.
Etsa_nka tsawá_j kakaram etsantin atí tura kashi
nantunka kashi májattaku etsantin
atí tusa najanamiayi. Nú_nisa_n
yaancha najankamiayi. Nui_kashi
tsawaij_jai_kuatru tsawant ajasmiayi.




Nuyá_Yus chichaak “Entsá
yujasha ártí tura núnisaṅ
nanamtin ainia nusha
iruniarti” takuj_ tímiatrusaṅ
túrunamiayi. Nui_kashi
tsawaijjaí senku tsawant
ajasmiai.




Nuyá_Yus chichaak “Kampunniunmayasha taṅkusha tura nuṅká japinias yujá ainia nusha ní weak nuṅkayan jíintrarti. Tura núnniak pampanṅkarti” tímiayi. Nuna takui_núnis túrunamiayi.



Nuyá_Yus chichaak “Yamaikia liya júnin métektaku
aents najanatai. Tura aentska namaknasha
nanamtinniasha taṅkuncha yajasmacha tura nuṅká
japinias yujá ainia nunasha mash núpeteaku ártí”
tímiayi. Tura Yus ni
najankamuriṅ mash iis “Pai,
yamaikia nekas tí peṅkeraiti”
tímiayi. Nui_kashi
tsawaijiaj_sais
tsawant ajasmiayi.



Kame takakmak wainkiat tusa Uunt Yus áishmaṅkan
Eten ajanam . . .



. . . apujas chichareak “Ashí
numi ajanam írunna juna
nere_páchitsuk
yúatnuitme. Antsu yuar
pénker tura yajauch
nekatai_ numí nerenka
yúashtiniaitme. Ántutsuk
yuamka nekas jakattame
tájame” tímiayi.



Kame Uunt Yuska ashí yajasmancha tura ashí
nanamtinniasha nuṅkajai najankamiayi. Tura najanak ni
naari aṅkant aṅkant anairat tusa Ataṅ pujamunam
ikiankamiayi. Tura Ataṅsha ashí
taṅkuncha ashí nanamtinniasha ashí
yajasmancha aṅkant aṅkant ni náariṅ
anairamiayi. Tura Ataṅ anairamia nuke
ni náariṅkia áiniawai. Tuma aiṅ niya
ániuk nin péṅker yáintinkiapenké
atsumiayi.



Tuma asamtai Uunt Yus Atañkan ti ikiantramiayi. Tura kanarmatai ni paen ukunchín jurus wárik ichimiámiayi. Tura nú paen achik Uunt Yus nuwan najana áishmañkan itiarmiayi.



Wats Yus nuna tura asamtai áishmaṅsha ni
aparíya_nukuríyaṅsha kanakí_ni nuwejain
tsaniṅ_pujustiniaiti. Jímiaraitiat chikichík
ayashtinia áintsan_ajasártiniaiti.



Yuska ashí
shuaran ti anea asa, ni Uchirín chikichik
ana nuna shuaran uwemtikrarat tusa
tsaṅkatkamiayi. Tuma asa ashí shuar
Niin enentáimtana nu, jinium wécharat
tusa antsu Yusaj_tuke iwiaaku
pujusárat tusa ni Uchirín
akuptúrmakmiaji.



Rum. 3:23 Túrasha ashí shuarti tunáa túraitji. Tuma asar Yusa shíirmariya_ tímianu ajastin penké jeatsji.

Rum. 6:23 Tunáa takarkumka tuke jákatniun akirmáktatui. Antsu Yuska iikia takaatsrinin_ penké ántar tuke iwiaaku pujustinian suramsattaji. Ii Uuntri_ Jesukrístujai_ tsaniñkia pujá asakrin nuna túrutmattaji.

Isr. 9:27 Ashí shuarsha chikichkí jakar nuyá_ ni túrukarman Yusai_ nekamatin áiniawai.

Ipi. 2:8,9 Jesukrístu nekas enentáimta asakrumin Yus waitnentramar uwemtikrampraiti. Ju_ka átumkeka túrunachuitrume. Antsu Yuska Niñki kuítchajai_ suramsaitrume. Shuar ni takatríjjai_ uwempratniuitkiun_ka nañkamantu enentáimsainti winia kakarmarjai_ uwemprajai_ tusa. Nu enentáimsatniuka atsutí tusa Yuska átumka takaatsrumnin_ uwempratniun suramsamiarme.



Rum. 10:9,10 Yus Jesusan jakaan iniantkímia nu nekasaiti tu enentáimtakum tura wénumjai “Jesus winia Úuntruiti” tákum uwemprattame. Kame enentáimjjai Kristu nekas Yusa uchirínti tu nekas enentáimtakmin Yus péñkeraitme turamtatui nuyá wénumjai “Jesukrístun enentáimtajai” tákumka uwempraitme.

Jn. 3:16,17 Yuska ashí shuaran ti anea asa, ni Uchirín chikichik ana nuna shuaran uwemtikrarat tusa tsañkatakamiayi. Tuma asa ashí shuar Niin enentáimtana nu, jinium wécharat tusa antsu Yusaj tuke iwiaaku pujusárat tusa ni Uchirín akuptúrmakmiaji.



1 Jn. 5:11-13 Yus aentsun kajerak jinium surukat tusa ni Uchirín akupkachmiayi. Antsu uwemtikrarat tusa akupkámiayi. Yus ni Uchirín timia juíti. Tuke iwiaaku pujutai nérenniuiti tura nu iwiaakmancha iin suramsaitji. Yusa Uchiríjiaí tsaniñ wekaana nú shuar, nu iwiaakmajai iwiaaku pujuiniawai. Tura Yusa Uchiríjiaí tsaniñ wekaatsna nú shuar, nu iwiaaku átinnium pujatsui. Yusa Uchirí nekas enentáimtakrum tuke amuicha iwiaakmajai iwiaaku pujarme. Nu nekaatarum tusan juña áatjarme.



Naṅ. 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Shuar Bible (jiv) ©2009 Avant Ministries in cooperation with
Wycliffe Bible Translators, Inc. All rights reserved.

<https://www.bible.com/bible/597/GEN.1.JIV>

©2025 Bible for Children, Inc.

www.M1914.org

www.bibleforchildren.org

